

# 312,390 dos vaksin Pfizer tiba Ahad

## Perdana Menteri individu pertama terima suntikan

Oleh Rohaniza Idris, Ahmad Suhael Adnan, Luqman Arif Abdul Karim, Faris Fuad dan Nor Haidya Syafira Amir  
bhnews@bh.com.my

**Putrajaya:** Sejumlah 312,390 dos vaksin Pfizer fasa pertama dijangka tiba di Lapangan Terbang Antarabangsa Kuala Lumpur (KLLA) Ahad ini, dengan Perdana Menteri akan menjadi individu pertama menerima suntikan itu.

Tan Sri Muhyiddin Yassin berkata, beliau akan menerima vaksin itu melalui fasa pertama pelaksanaan Program Imunisasi COVID-19 Kebangsaan bermula 26 Februari depan.

Turut menerima vaksin melalui fasa pertama adalah barisan Ahli Parlimen dan Ahli Dewan Undangan Negeri (ADUN), memandangkan tugas ahli politik yang banyak bertemu dengan rakyat.

"Fasa pertama akan membabitkan saya sendiri bersama petugas barisan hadapan bermula hari berkenaan (26 Februari) sehingga April.

"Saya sendiri akan menerima suntikan vaksin pada hari berkenaan bersama-sama petugas barisan hadapan," katanya ketika berucap melancarkan buku panduan Program Imunisasi COVID-19 Kebangsaan secara maya di sini, semalam.

Beliau berkata, buku panduan

**PROGRAM IMUNISASI COVID-19 KEBANGSAAN**

Kumpulan sasaran bagi **3 fasa** pemberian vaksin dan anggaran individu yang akan divaksinasi

**FASA 2 (April - Ogos 2021)**

**Kumpulan utama 1**  
Baki kakitangan penjaga kesihatan serta perkhidmatan penting dan pertahanan

**Kumpulan utama 2**  
Warga emas berusia 65 tahun ke atas, golongan berisiko tinggi mengalami penyakit kronik seperti penyakit jantung, obesiti, diabetes dan tekanan darah tinggi dan orang kelainan upaya (OKU)

\*Maklumat terperinci akan dikemas kini dari semasa ke semasa

**Kawalan wabak**

**FASA 3 (Mei 2021 - Februari 2022)**

**Kumpulan utama**  
Penduduk berusia 18 tahun ke atas (warganegara dan bukan warganegara) Keutamaan diberikan kepada Zon Merah, Zon Kuning dan kemudian Zon Hijau

**Kawalan wabak**  
\*Sumber: KKM

**Kenapa vaksinasi kepada 18 tahun ke atas sahaja?**  
Buat masa ini, kebanyakan percubaan klinikal yang dijalankan adalah kepada sukarelawan berusia 18 tahun ke atas. Beberapa syarikat vaksin akan melaksanakan percubaan klinikal terhadap kanak-kanak. Justeru, kerajaan akan pertimbangkan penggunaan vaksin COVID-19 kepada kanak-kanak apabila terdapat data saintifik yang membuktikan keberkesanan dan keselamatan kepada golongan ini.

**9.4 JUTA orang**

**500,000 orang**

**Sasaran 13.7 JUTA orang lebih**

**Langkah berjaga-jaga**  
Vaksin COVID-19 adalah selamat bagi majoriti masyarakat. Namun begitu, beberapa kumpulan masyarakat memerlukan pertimbangan lanjut bagi penerimaan vaksinasi ini:

- Individu dengan alahan teruk
- Individu hamil dan ibu menyusu
- Individu yang positif COVID-19
- Individu yang mempunyai masalah sistem imun


**KAEDAH PELAKSANAAN VAKSINASI**

**Proses Vaksinasi**


- Proses pelaksanaan vaksinasi di bawah Program Imunisasi COVID-19 Kebangsaan merangkumi proses dari enrolmen kumpulan sasaran mengikut keutamaan bagi setiap fasa yang terbabit sehingga pemberian dan pemantauan kesan vaksinasi.
- Mengguna pakai aplikasi MySejahtera dan laman sesawang khas atau secara manual bagi masyarakat yang tidak mempunyai akses aplikasi MySejahtera

**Pendaftaran dan temu janji vaksinasi**  
Pemberian vaksin COVID-19 adalah sukarela tetapi sangat digalakkan bagi membolehkan sasaran pembentukan imuniti kelompok dapat dicapai


**Pendaftaran bagi mendapatkan vaksin akan dilaksanakan menerusi kaedah berikut:**




**Aplikasi MySejahtera**




**Talian hotline**  
(akan dimaklumkan)



**Program bantuan (outreach)** bagi kawasan luar bandar dan pedalaman



**Laman sesawang**  
www.vaksinovid.gov.my



**Pendaftaran di fasiliti kesihatan kerajaan dan swasta**

Maklumat temu janji seperti tarikh dan tempat vaksinasi akan dimaklumkan menerusi aplikasi MySejahtera, panggilan telefon atau SMS

itu diterbitkan untuk menerangkan lebih lanjut dasar program imunisasi, bagi tujuan rujukan kepada bukan saja pembuat dasar dan pelaksana, tetapi juga masyarakat.

Pada majlis itu, Muhyiddin turut melancarkan laman web [www.VaksinCovid.gov.my](http://www.VaksinCovid.gov.my).

Yang turut hadir, Menteri Sains, Teknologi dan Inovasi, Khairy Ja-

maluddin serta Menteri Kesihatan, Datuk Seri Dr Adham Baba.

Mengulas lanjut, katanya seperti diumumkan Program Imunisasi COVID-19 Kebangsaan akan berlangsung melalui tiga fasa, dengan fasa kedua dilaksanakan April hingga Ogos depan membabitkan kumpulan berisiko tinggi.

Fasa ketiga pula akan meliputi golongan dewasa berusia 18 tahun ke atas, bermula Mei depan sehingga Februari 2022.

Dalam pada itu, beliau memaklumkan semua sektor ekonomi termasuk pelancongan yang terjejas teruk sebelum ini serta aktiviti sosial, akan dibuka sepenuhnya sebaik Program Imunisasi COVID-19 Kebangsaan berjaya dilaksanakan.

"Kita boleh saling menziarahi, aktiviti bersukan juga boleh kita amalkan, tetapi dengan mengamalkan norma baharu. Inilah yang saya maksudkan apabila saya katakan vaksin COVID-19 antara sinar harapan kita yang paling utama untuk menang dalam perang melawan COVID-19," katanya

"Pastinya, satu lembaran baharu bakal terbuka dengan bermulanya Program Imunisasi COVID-19 Kebangsaan hujung bulan ini. Oleh itu, janganlah kita ambil mudah perkara ini. Apabila tiba masanya, jangan berlengah mendaftar bagi mendapatkan vaksin," katanya.

Muhyiddin menegaskan program imunisasi menyeluruh penting untuk memastikan imuniti kelompok dapat dibentuk dalam komuniti bagi memutuskan rantaian penularan jangkitan CO-

## Individu tak sesuai tidak disuntik

**Putrajaya:** Saringan sejarah kesihatan dan alahan akan dilakukan ke atas setiap individu sebelum ditentukan kelayakan mereka sebagai penerima vaksin COVID-19.

Perdana Menteri, Tan Sri Muhyiddin Yassin, berkata prosedur itu penting untuk memastikan individu yang tidak sesuai menerima vaksin, tidak diberikan suntikan itu.

Beliau berkata, vaksin COVID-19 seperti vaksin lain mempunyai kesan sampingan yang ringan, seperti sakit atau bengkak di tempat suntikan, keletihan, sakit kepala, sakit otot, sakit sendi, mengigil dan demam.

"Walaupun kesan sampingan serius seperti anafilaksis, na-

mun ia jarang sekali berlaku. Sekiranya ada kesan sampingan serius seperti anafilaksis, rawatan segera akan diberikan.

"Pemantauan berterusan akan dibuat bagi menilai keberkesanan dan keselamatan vaksin sepanjang Program Imunisasi COVID-19 dilaksanakan.

"Tindakan penambahbaikan akan dibuat berdasarkan kepada hasil pemantauan dan penilaian program secara berterusan," katanya selepas melancarkan Buku Panduan Program Imunisasi COVID-19 Kebangsaan secara maya di sini, semalam.

Beliau berkata, pemantauan akan dibuat selama 15 hingga 30 minit selepas penerima diberikan suntikan vaksin, sebelum boleh dibenarkan pulang.

VID-19 dan akhirnya menamatkan pandemik.

"Vaksinasi penting untuk kita lindungi bukan saja diri sendiri, tetapi juga yang tersayang iaitu ahli keluarga, rakan kerja, jiran sekeliling dan seluruh komuniti.

"Inilah juga maksud slogan Program Imunisasi COVID-19 Kebangsaan yang saya perkenalkan secara rasmi iaitu Lindung Diri, Lindung Semua," katanya.


Mengulas pemberian vaksin untuk ahli politik, Perdana Menteri berkata kerajaan bersetuju Ahli Parlimen dan ADUN tidak kira di pihak mana sekalipun, akan diberikan vaksin melalui fasa per-

tama untuk membolehkan mereka menjalankan tugas dengan berkesan dan selamat.

Beliau berkata, pemberian itu juga dipersetujui Jawatankuasa Khas Jaminan Akses Bekalan Vaksin COVID-19 (JKJAV) memandangkan Ahli Parlimen dan ADUN biasanya berdamping rapat dengan masyarakat di akar umbi.

Pada Januari lalu, Muhyiddin berkata, 27 juta atau lebih 80 peratus penduduk negara ini akan menerima vaksin secara percuma, dengan proses pengagihan berjalan sehingga suku pertama 2022.

Ibadat & Fadilat



Sayidina Ali RA meriwayatkan Rasulullah SAW bersabda:  
"Wahai ahli al-Quran (orang Islam), tunaikanlah solat witir.  
Sesungguhnya Allah SWT itu witir dan Dia sukakan witir."  
(HR Abu Daud)

Takaful Ikhlas Family Berhad (200201025412) (593075-U)  
Takaful Ikhlas General Berhad (201701019705) (1233870-A)

| KAWASAN       | SUBUH | ZUHUR | ASAR | MAGRIB | ISYAK |
|---------------|-------|-------|------|--------|-------|
| Kangar        | 6:25  | 1:35  | 4:54 | 7:32   | 8:42  |
| Alor Setar    | 6:25  | 1:35  | 4:54 | 7:32   | 8:42  |
| P. Pinang     | 6:25  | 1:35  | 4:54 | 7:33   | 8:43  |
| Ipoh          | 6:22  | 1:33  | 4:51 | 7:31   | 8:41  |
| Kuala Lumpur  | 6:19  | 1:30  | 4:49 | 7:29   | 8:40  |
| Shah Alam     | 6:19  | 1:30  | 4:49 | 7:29   | 8:40  |
| Johor Bahru   | 6:08  | 1:21  | 4:39 | 7:22   | 8:32  |
| Kuantan       | 6:12  | 1:24  | 4:43 | 7:24   | 8:30  |
| Seremban      | 6:16  | 1:28  | 4:47 | 7:29   | 8:39  |
| Bandar Melaka | 6:15  | 1:28  | 4:45 | 7:28   | 8:38  |
| Kota Bharu    | 6:18  | 1:28  | 4:47 | 7:25   | 8:31  |
| K. Terengganu | 6:13  | 1:24  | 4:43 | 7:22   | 8:32  |
| Kota Kinabalu | 5:23  | 12:33 | 3:52 | 6:31   | 7:41  |
| Kuching       | 5:43  | 12:56 | 4:14 | 6:57   | 8:07  |

www.takaful-ikhlas.com.my

Anak syarikat milik penuh MNRB Holdings Berhad

# 605 pusat suntikan dikenal pasti

## Bekalan ditempatkan di 54 lokasi Pusat Simpanan Vaksin seluruh negara

**Kuala Lumpur:** Proses pelalian COVID-19 akan dilaksanakan di 605 Pusat Pemberian Vaksin (PPV) yang dikenal pasti oleh Kementerian Kesihatan (KKM).

Selain itu, PPV sementara seperti di stadium, pusat konvensyen, dewan orang ramai, universiti dan kemudahan bersesuaian akan dibuka mengikut keperluan.

Berdasarkan Program Imunisasi COVID-19 Kebangsaan, bekalan pelalian akan ditempatkan di 54 lokasi Pusat Simpanan Vaksin (PSV) di seluruh negara yang dilengkapi kemudahan bersesuaian bagi menjamin kualitinya sebelum diberikan kepada penerima.

Penghantaran dan penyimpanan vaksin turut membabitkan operasi bersepadu pelbagai agensi kerajaan merangkumi KKM, Angkatan Tentera Malaysia (ATM) dan pihak berkuasa keselamatan lain.

KKM berjaya melakukan percubaan penuh aspek pelaksanaan di Klinik Kesihatan Belaga iaitu kawasan pedalaman di Sarawak dan Hospital Bintulu, pada 29 hingga 30 Januari lalu sebagai langkah persiapan rapi sebelum proses imunisasi.

Platform bersepadu merangkumi Sistem Maklumat Farmasi, Sistem Pengurusan Vaksin (VMS), MySejahtera dan 'dashboard' Program Imunisasi COVID-19 Kebangsaan digunakan untuk memastikan pelaksanaan yang cekap, tepat serta membantu pemantauan dalam masa sebenar; menurut dokumen disediakan Jawatankuasa Khas Jaminan Akses Bekalan Vaksin COVID-19 (JK-JAV) yang diterbitkan, semalam.


Sementara itu, kerajaan akan menyediakan Talian Khas Program Imunisasi COVID-19 yang akan menjawab sebarang persoalan berkaitan program berkenaan.

Talian itu antara strategi advokasi dan khidmat sokongan bagi membantu masyarakat mengetahui serta memahami perincian serta maklumat program itu.

Maklumat Program Imunisasi COVID-19 Kebangsaan boleh diperoleh di laman sesawang rasmi <http://vaksincovid.gov.my> dan akaun media sosial bagi memastikan maklumat serta perkembangan terkini program ini mudah diakses.


Selain menguar-uarkan maklumat menerusi talian khas, laman sesawang dan media sosial, usaha advokasi Program Imunisasi CO-

### Lokasi Pemberian Vaksin



Vaksinasi akan dijalankan di 605 Pusat Pemberian Vaksin (PPV) yang telah dikenal pasti oleh KKM. PPV sementara seperti di stadium, pusat konvensyen, dewan orang ramai, universiti serta fasiliti yang bersesuaian juga akan dibuka mengikut keperluan. Lokasi ini akan dikemas kini dari semasa ke semasa.

### Lokasi PSV dan PPV



#### Petunjuk

- Pusat Simpanan Vaksin (PSV): 54 lokasi
- Pusat Pemberian Vaksin (PPV): 605 lokasi

VID-19 Kebangsaan turut memanfaatkan pihak berkuasa tempatan bagi capaian komuniti setempat.

Petugas KKM akan bekerjasama secara bersepadu dengan pasukan Kementerian Sains, Teknologi dan Inovasi (MOSTI), anggota keselamatan, kementerian serta agensi kerajaan lain, sektor swasta dan sukarelawan bagi melaksanakan program imunisasi itu.

Selain petugas kesihatan KKM, program imunisasi itu turut dibantu petugas kesihatan bersara, pelajar perubatan, perigian dan pelatih jururawat, selain petugas perubatan swasta serta pertubuhan bukan kerajaan (NGO).

Pendaftaran bagi sukarelawan akan dimaklumkan menerusi laman sesawang <http://vaksincovid.gov.my> dan akaun media sosial JKJAV.

### Fakta Nombor

# 312,390 dos vaksin

kelompok pertama diterbangkan dengan perkhidmatan MASKargo Ahad ini

## Pemberian ikut tiga strategi

**Kuala Lumpur:** Program Imunisasi COVID-19 Kebangsaan menetapkan pemberian vaksin diberikan mengikut tiga strategi.

Strategi pertama adalah kepada petugas barisan hadapan, terutamanya petugas kesihatan bagi memastikan kumpulan itu terlindung daripada jangkitan COVID-19 bertujuan memastikan sistem kesihatan dan keselamatan pada tahap optimum.

Strategi kedua adalah mengurangkan beban penyakit kepada kumpulan berisiko tinggi supaya mereka terlindung daripada jangkitan COVID-19, sekali gus dapat mengurangkan beban kepada sistem kesihatan awam Malaysia.

Strategi ketiga untuk kawalan wabak, pemberian vaksin akan dijalankan sepanjang fasa dua dan tiga di kawasan kluster berisiko tinggi melalui penilaian risiko bagi mengawal penularan.

Secara keseluruhan, keutamaan pemberian vaksin berdasarkan epidemik penyakit dan data klinikal, jenis vaksin, faktor operasi dan penilaian risiko.

Bagi fasa pertama iaitu mulai 26 Februari hingga April, pemberian vaksin diberikan mengikut dua kumpulan, iaitu kum-

pulan satu bagi kumpulan barisan hadapan petugas kesihatan kerajaan dan swasta serta kumpulan kedua membabitkan petugas barisan hadapan perkhidmatan penting dan pertahanan.

Bagi fasa ini disasarkan 500,000 orang diberikan vaksin.

Bagi fasa kedua mulai April hingga Ogos turut membabitkan dua kumpulan iaitu kumpulan utama satu membabitkan baki kakitangan penjaga kesihatan serta perkhidmatan penting dan pertahanan.

Kumpulan utama kedua fasa ini adalah warga emas berumur 65 tahun ke atas, golongan berisiko tinggi mengalami penyakit kronik seperti penyakit jantung, obesiti, diabetes dan tekanan darah tinggi dan orang kurang upaya (OKU) disasarkan seramai 9.4 juta orang akan terbahit.

Fasa Ketiga mulai Mei 2021 hingga Februari 2022 iaitu penduduk berusia 18 tahun ke atas (warganegara dan bukan warganegara) keutamaan bagi Zon Merah diikuti Zon Kuning dan Zon Hijau dijangka seramai 13.7 juta atau lebih.

Dasar Vaksinasi COVID-19 adalah sukarela dan diberikan percuma kepada warganegara

dan bukan warganegara.

Had usia adalah 18 tahun ke atas, namun perkara ini akan diteliti dari semasa ke semasa.

Bagi vaksin yang memerlukan dua dos, setiap individu akan mendapat vaksin daripada jenis yang sama dan tempoh masa menerima vaksin kedua adalah bergantung kepada jenis vaksin.

Vaksin COVID-19 selamat digunakan, namun beberapa kumpulan masyarakat perlu mengambil langkah berjaga-jaga sebelum membuat keputusan menerima suntikan.

Peringatan sedemikian perlu diberi pertimbangan sekiranya mana-mana individu didapati positif COVID-19 dan mempunyai masalah terhadap sistem pertahanan badan mereka.

Ia turut meliputi ibu menyusu dan hamil serta mereka yang mempunyai alahan teruk, berdasarkan rekod kesihatan masing-masing.

Lima kaedah pendaftaran vaksin boleh dibuat sama ada menerusi MySejahtera, talian utama, program bantuan bagi kawasan luar bandar dan pedalaman, laman sesawang atau berkunjung ke kemudahan kesihatan kerajaan serta swasta.